

嘉義市九十七年度閩南語答喙鼓比賽腳本

組 別：國小高年級組

編 號： 號

作品名稱：趣味的數字

## 趣味的數字

甲：來喔來喔緊來看，阮欲講古無臭誕。

乙：大人心適是真愛聽，囡仔趣味是揆假若山。

甲：我是 XX。

乙：我是 XX。

甲&乙：上臺行禮。

甲：些暫仔定定無看見汝的人，到底是咧無閒啥貨？

乙：無啥啦！阮咧搬厝。

甲：誠勢！共厝搬咧走喔？啊是愛用吊車否？

乙：我侬用「拖拉庫」吊車兼拖板車咧！

甲：啊，是搬去佗位？

乙：世賢路「兩」段。

甲：世賢路予汝剝做「兩」段喔？

乙：我假勢！都唔是牛魔王咯！無，汝是來鬧的是否？

甲：我講正經的呢！是北港路「二」段則著啦！

乙：啊！著！著！著！我雄雄失覺察，講走精去矣！請多多指教！

甲：姊也到？阮阿姊俛時來矣？坐佇佗位？

乙：汝舊症頭又倂發作矣！欲講緊講，若無，我先失禮！

甲：汝姓「張」囉？好啦！好啦！咱今仔日來講數字。

乙：數字？一兩三四，驚著無代誌；五六七八，有閒則來坐！

甲：來！一兩三四五，一二三四五，有全否？

乙：些每我知矣！愛講第「一」名、第「二」名，毋是第「兩」名！

甲：算作汝的頭殼毋是搭好看的！

乙：若按爾，先覺，換我問汝？

甲：具在汝問！

乙：看招！一心、二聖、三多、四維、五福、六合、七賢、八德、九如、十全，汝知否？

甲：簡單！一心二聖排頭前，三多四維好光景；五福六合生理興，七賢八德無時間。九如十全過左營，交通便利四界行；高雄街路認予明，毋通走了毋著片。

乙：嬌啦！好聽倂兼躑跳針。一鼠、二牛、三虎、四兔、五龍、六蛇、七馬、八羊、九猴、十雞、十一狗、十二豬，倂來咯！

甲：一鼠用計做頭前，二牛古意逮後片；三虎四兔拋拋走，

五龍六蛇繼尾後。七馬八羊愛食草，九猴十雞倚樹頭；

十一狗仔顧門口，十二豬仔哐哐哮。

乙：按爾這我嘛會！三生有幸來熟悉，四季平安人人愛；

五福臨門是好代，六六大順報汝知。

甲：有成，猶有否？

乙：三人共五目，日後無長短駁話；八仙來過海，隨人是

各展神通！

甲：各展神通！繼續佢共搵落去啊！

乙：欸……，迄號，五府千歲，三山國王；七月十五，中

元普渡。

甲：汝這是「竹篙搭菜刀，講假花膏膏」，害我聽攞無！

乙：唔過在座的是聽假鵝鵝鵝！

甲：敢按爾？痞講喔！看汝猶有啥物步？

乙：一兮炒米麴，二兮炒韭菜，三兮荅荅滾，四兮炒米粉，

五兮五將軍，六兮攬囡孫，七兮七蝦米，八兮爻肚綰，

九兮倒咗蠕，十兮倚起來看，十一兮火燒山，十二兮反

倒擔，十三兮燒一半。扑汝千，扑汝萬，扑汝一千空

五萬，看汝欲講抑唔講，唔講扑假汝講！

甲：甘拜下風！

乙：我沒膨風。

甲：時間差不多矣呢！共逐家相辭咧。

乙：好！我一个婿姑娘生成是好人才！

甲：讚！咱兩人來答喙鼓嘛是無敗害！

甲&乙：祝咱逐家……

乙：三人共一心，烏塗會變黃金！

甲：四季攏平安，家和就萬事興！

甲：萬事如意！

乙：十全十美！

乙：我是 XX。

甲：我是 XX。

甲&乙：落台行禮，感謝逐家！